

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2017 թվականի N ___-Ա

**«ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ»
ՀԻՄՆԱԴՐԱՄԻՆ ԱՄՐԱՑՎԱԾ ԳՈՒՅՔՆ ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ
ՀԱՆՁՆԵԼՈՒ ԼԻԱԶՈՐՈՒԹՅՈՒՆ ՏԱԼՈՒ ՄԱՍԻՆ**

Հիմք ընդունելով Հայաստանի Հանրապետության քաղաքացիական օրենսգրքի 688-րդ հոդվածի 1-ին մասը՝ Հայաստանի Հանրապետության կառավարությունն **որոշում է**.

1. Վիրավոր զինվորների և զինվորական հաշմանդամների վերականգնողական կենտրոնի ստեղծման նպատակով լիազորել «Երևանի Մխիթար Հերացու անվան պետական բժշկական համալսարան» հիմնադրամին (այսուհետ՝ Հիմնադրամ) ամրացված ք.Երևան, Աբովյան 58, գլխավոր մասնաշենքի («Հերացի» թիվ 1 հիվանդանոցային համալիր) 1711, 47 քառակուսի մետր տարածքը 10 տարի ժամկետով, անհատույց օգտագործման իրավունքով հանձնել «Աջակցություն վիրավոր զինվորներին և զինվորական հաշմանդամներին» հասարակական կազմակերպությանը:

2. Հայաստանի Հանրապետության կրթության և գիտության նախարարին՝ սույն որոշումն ուժի մեջ մտնելուց հետո մեկամսյա ժամկետում ապահովել՝ «Երևանի Մխիթար Հերացու անվան պետական բժշկական համալսարան» հիմնադրամի և «Աջակցություն վիրավոր զինվորներին և զինվորական հաշմանդամներին» հասարակական կազմակերպության միջև սույն որոշման 1-ին կետում նշված տարածքի անհատույց օգտագործման մասին պայմանագրի կնքումը և ապահովել դրա հանձնման-ընդունման աշխատանքների իրականացումը:

3. Սահմանել, որ սույն որոշման 2-րդ կետով նշված պայմանագրի նոտարական վավերացման և պայմանագրից ծագող գույքային իրավունքների պետական գրանցման ծախսերը ենթակա են իրականացման «Երևանի Մխիթար Հերացու անվան պետական բժշկական համալսարան» հիմնադրամի միջոցների հաշվին:

ՀԻՄՆԱՎՈՐՈՒՄ

«ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻՆ ԱՄՐԱՑՎԱԾ ԳՈՒՅՔՆ ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ՀԱՆՁՆԵԼՈՒ ԼԻԱԶՈՐՈՒԹՅՈՒՆ ՏԱԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

1. Անհրաժեշտությունը

Սույն որոշման նախագծի ընդունումը պայմանավորված է զինվորական ծառայության ժամանակ վնասվածք կամ խեղում կամ հիվանդություն ձեռք բերած կամ ծառայողական պարտականությունները կատարելիս կամ ծառայության ընթացքում հաշմանդամ դարձած զինծառայողներին լավագույն չափանիշներին համապատասխան վերականգնողական բժշկական օգնություն և սպասարկում ապահովելու անհրաժեշտությամբ:

2. Ընթացիկ իրավիճակը և խնդիրները

Հայաստանի Հանրապետությունում կան մոտ 9000 նախկին զինծառայող (ըստ տարբեր ոչ պաշտոնական փորձագիտական տվյալների), որոնք զինվորական ծառայության ժամանակ վնասվածք կամ խեղում կամ հիվանդություն են ձեռք բերել կամ ծառայողական պարտականությունները կատարելիս կամ ծառայության ընթացքում հաշմանդամ են դարձել: Նրանք ունեն լավագույն չափանիշների համապատասխանող վերականգնողական բժշկական օգնության և սպասարկման կարիք և իրավունք: Մինչդեռ ՀՀ-ում նման բժշկական օգնության և սպասարկման կազմակերպման ռեսուրսները սահմանափակ են, ավելին՝ չկա հատուկ նրանց կարիքներին համապատասխան մասնագիտացված վերականգնողական կենտրոն, որտեղ նախկին զինծառայողները կկարողանային անցնել բուժման ամբողջական կուրս: Այս խնդիրը հատկապես ակնառու է 2016 թվականի Ապրիլի քառօրյա պատերազմից հետո, երբ մեծ թվով զինծառայողներ ստացան գանգուղեղային և ողնաշարային վիրավորումներ, որոնց բուժումը արտերկրում կազմակերպելու համար չկային բավարար միջոցներ:

«Երևանի Մխիթար Հերացու անվան պետական բժշկական համալսարան» հիմնադրամին է դիմել «Աջակցություն վիրավոր զինվորներին և զինվորական հաշմանդամներին» հասարակական կազմակերպությունը, որը առաջարկում է հիմնադրամին ամրացված Աբովյան 58 հասցեում «Հերացի» թիվ 1 հիվանդանոցային համալիրի տարածքից հատված հատկացնել զինվորական ծառայության ժամանակ վնասվածք կամ խեղում կամ հիվանդություն ձեռք բերած կամ ծառայողական պարտականությունները կատարելիս կամ ծառայության ընթացքում հաշմանդամ դարձած զինծառայողների համար լավագույն չափանիշներին համապատասխան վերականգնողական կենտրոն ստեղծելու և նրանց անվճար բժշկական օգնություն և սպասարկում տրամադրելու համար: Այդ նպատակի համար հասարակական կազմակերպությունը պատրաստակամ է իր հաշվին գոյացած միջոցներով ներդրում կատարել, մասնավորապես, ամբողջովին վերանորոգել Աբովյան 58, գլխավոր մասնաշենքի («Հերացի» թիվ 1 հիվանդանոցային համալիր) 1711.47 քառակուսի մետր տարածքը, զինել անհրաժեշտ սարքերով և սարքավորումներով, բժշկական օգնության և սպասարկման անհրաժեշտ լիցենզիան ստանալուց հետո, նշված կատեգորիային տրամադրել անվճար վերականգնողական բուժում:

Նախնական փուլում նախատեսվում է ապահովել ամսական ոչ պակաս 20 ստացիոնար և 50 ամբուլատոր հիվանդների բժշկական օգնություն և սպասարկում: Վերականգնողական կենտրոնում շահառուներին նախատեսվում է տրամադրել հետևյալ բժշկական ծառայությունները՝ կինեզոթերապիա, էրգոթերապիա, մեխանոթերապիա, մերսում (բուժական, ընդհանուր, կոսմետիկ), էլեկտրոթերապիա/ապարատային ֆիզիոթերապիա, ռեֆլեքսոթերապիա/ասեղնաբուժություն, ջրաբուժություն, բալնոթերապիա, պարաֆինոթերապիա, քայլքի և հավասարակշռության հետազոտում և գնահատում, ողնաշարային ոչ վիրահատական դեկոմպրեսիա, շնչառական և սրտանոթային համակարգերի ֆունկցիոնալ հետազոտություն՝ տոլերանտության և աշխատունակության շեմը որոշելու նպատակով, ողնաշարի ոչ վիրահատական դեկոմպրեսիա, ինչպես նաև հոգեբանական լոգոպեդիկ ծառայություններ:

Նախատեսվում է Կենտրոնում բժշկական օգնություն և սպասարկում տրամադրել նաև այլ կատեգորիայի պացիենտների համար՝ վճարովի հիմունքներով, որից գոյացած հասույթը ևս կտրամադրվի զինհաշմանդամների կարիքների բավարարմանը:

Կենտրոնում իրականացվելու են նաև շահառուների սոցիալիզացիայի խնդիրները լուծող կրթական ծրագրեր:

Նախատեսվում է Վերապատրաստումներ կազմակերպել իրականացվելու մարզային բուժաշխատողների համար, որպեսզի հետագայում հնարավոր լինի մարզերում ևս իրականացնել վերականգնողական կենտրոնների ստեղծման ծրագիր:

Կենտրոնում գործելու է նաև «Մեկ Պատուհան» ծրագիրը, որով ապահովվելու է զինհաշմանդամների, նրանց ընտանքների և տարբեր գերատեսչությունների միջև կոմունիկացիան և իրավական աջակցությունը:

3. Կարգավորման նպատակը և բնույթը

Նկատի ունենալով վերը ներկայացվածը, հիմք ընդունելով ՀՀ քաղաքացիական օրենսգրքի 688-րդ հոդվածի 1-ին մասը (Գույքն անհատույց օգտագործման հանձնելու իրավունքը պատկանում է դրա սեփականատիրոջը և օրենքով կամ սեփականատիրոջ կողմից դրա համար լիազորված այլ անձանց) ՀՀ կառավարության 2017 թվականի նոյեմբերի 27-ի թիվ 1407-Ն որոշմամբ հաստատված հիմնադրամի կանոնադրության 18-րդ կետի 15-րդ ենթակետը, (Հիմնադրամը պետք է բացառի առանց հիմնադրի որոշման հիմնադրի կողմից համալսարանի օգտագործմանը հանձնված գույքի, այդ թվում՝ շենքերի, շինությունների և հողատարածքների գրավադրումը, օտարումը կամ անհատույց օգտագործման հանձնումը), Հիմնադրամի և ՀՀ ԿԱ պետական գույքի կառավարման վարչության միջև կնքված ոչ բնակելի տարածքի անհատույց օգտագործման թիվ 6310015 պայմանագրի 2.4.12 կետը **(անհատույց օգտագործման տրամադրված տարածքը կամ դրա մի մասը կարող է երրորդ անձի օգտագործմանը հանձնվել միայն փոխատուի համաձայնությամբ)**, նախագծով առաջարկվում է «Երևանի Մխիթար Հերացու անվան պետական բժշկական համալսարան» հիմնադրամին լիազորել իրեն ամրացված ք.Երևան, Աբովյան 58, գլխավոր մասնաշենքի (թիվ 1 կլինիկա հիվանդանոց) 1711,47 քառակուսի մետր տարածքը 10 տարի ժամկետով, անհատույց օգտագործման հանձնել «Աջակցություն վիրավոր զինվորներին և զինվորական հաշմանդամներին» հասարակական կազմակերպությանը:

Նախագծով կարգավորվում են նաև անհատույց օգտագործման հանձնելու գործընթացի կազմակերպումը կարգավորող այլ հարաբերություններ:

4. Ակնկալվող արդյունքը

Նախագծի ընդունմամբ ակնկալվում է հիմնել լավագույն չափանիշներին համապատասխան վերականգնողական կենտրոն և ապահովել զինվորական ծառայության ժամանակ վնասվածք կամ խեղում կամ հիվանդություն ձեռք բերած կամ ծառայողական պարտականությունները կատարելիս կամ ծառայության ընթացքում հաշմանդամ դարձած որոշակի թվով զինծառայողների համար անվճար վերականգնողական բժշկական օգնությունը և սպասարկումը: Որպես արդյունք ակնկալվում է՝

1) շահառուների կյանքի որակի էական բարելավում, որոշ դեպքերում հաշմանդամության կանխարգելում, որոշ դեպքերում հաշմանդամության առկա վիճակի պահպանում, հաշմանդամություն ունեցող անձի ադապտացիա շրջակա միջավայրին, նրանց սոցիալիզացում,

2) շահառուների ընտանիքների տարաբնույթ խնդիրներին արագ արձագանքում և լուծում, նրանց՝ պետական մարմինների հետ կապի դյուրացում:

5.Նախագծի մշակման գործընթացում ներգրավված ինստիտուտները և անձինք

«Երևանի Մխիթար Հերացու անվան պետական բժշկական համալսարան» հիմնադրամ:

ՏԵՂԵԿԱՆՔ

Իրավական ակտերում փոփոխություններ և լրացումներ կատարելու դեպքում ՀՀ պետական բյուջեում ծախսերի կամ եկամուտների ավելացման կամ նվազեցման մասին

«Երևանի Մխիթար Հերացու անվան պետական բժշկական համալսարան» հիմնադրամին ամրացված գույքն անհատույց օգտագործման իրավունքով հանձնելու լիազորություն տալու մասին» Հայաստանի Հանրապետության կառավարության որոշման ընդունման դեպքում պետական բյուջեում ծախսերի կամ եկամուտների փոփոխություններ չեն սպասվում:

ՏԵՂԵԿԱՆՔ

Իրավական ակտերում փոփոխություններ և լրացումներ կատարելու անհրաժեշտության մասին

«Երևանի Մխիթար Հերացու անվան պետական բժշկական համալսարան» հիմնադրամին ամրացված գույքն անհատույց օգտագործման իրավունքով հանձնելու լիազորություն տալու մասին» Հայաստանի Հանրապետության կառավարության որոշման Հայաստանի Հանրապետության կառավարության որոշման ընդունման դեպքում այլ իրավական ակտերում լրացումներ կամ փոփոխություններ կատարելու անհրաժեշտություն չկա:

ԱՄՓՈՓՈԹԵՐԹ

**«ԵՐԵՎԱՆԻ ՄԽԻԹԱՐ ՀԵՐԱՑՈՒ ԱՆՎԱՆ ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ»
ՀԻՄՆԱԴՐԱՄԻՆ ԱՄՐԱՑՎԱԾ ԳՈՒՅՔՆ ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ
ՀԱՆՁՆԵԼՈՒ ԼԻԱԶՈՐՈՒԹՅՈՒՆ ՏԱԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ՄԱՍԻՆ**

№	Առարկության, առաջարկության հեղինակը, Գրության ստացման ամսաթիվը, գրության համարը	Առարկության, առաջարկության բովանդակությունը	Եզրակացություն	Կատարված փոփոխություն
1.	ՀՀ ֆինանսների նախարարություն	Նախագծի 3-րդ կետում հստակեցնել, թե պայմանագրի նոտարական վավերացման և պայմանագրից ծագող գույքային իրավունքների պետական գրանցման ծախսերն ում միջոցների հաշվին են իրականացվելու:	Ընդունվել է	Կարարվել է համապատասխան փոփոխություն
2.	ՀՀ կառավարությանն առընթեր պետական գույքի կառավարման վարչություն	Նախագծի 1-ին կետից հանել «Հայաստանի Հանրապետության կառավարության 2014 թվականի նոյեմբերի 27-ի թիվ 1407-Ն որոշման հավելված 3-ի 5-րդ կետին համապատասխան» բառերը	Ընդունվել է	Կարարվել է համապատասխան փոփոխություն
3.	ՀՀ կառավարությանն առընթեր անշարժ գույքի կադաստրի պետական կոմիտե	Առաջարկություններ և առարկություններ		
4.	ՀՀ արդարադատության նախարարություն	Նախագծի 1-ին կետում «անհատույց օգտագործման» բառերից հետո անհրաժեշտ է լրացնել «իրավունքով» բառը՝ հաշվի առնելով Հայաստանի Հանրապետության քաղաքացիական օրենսգրքի 688-րդ հոդվածի 1-ին մասի պահանջները	Ընդունվել է	Կարարվել է համապատասխան փոփոխություն